



Broj: 05/1-50-13-26-52-4/18

Sarajevo, 22. 10. 2018. godine

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Direkcije za koordinaciju policijskih tijela BiH

Članovi Nezavisnog odbora: Adisa Begić, Mate Miletić i Ljubomir Kuravica su 13. 9. 2018, s početkom u 14 sati, u prostorijama Direkcije za koordinaciju policijskih tijela BiH u Sarajevu, održali sastanak s rukovodiocima Direkcije za koordinaciju policijskih tijela BiH Mirsadom Vilićem, direktorom, te Ivicom Bošnjakom i Rankom Vukovićem, zamjenicima direktora. Tom prilikom prisustvovali su i sjednici Štaba koji je formiran uoči dolaska VIP ličnosti - ministra vanjskih poslova Ruske Federacije Sergeja Lavrova u Bosnu i Hercegovinu.

Članovi Nezavisnog odbora izrazili su zadovoljstvo organizacijom i radom Štaba i aktivnostima koje su se vodile na čelu sa gosp. Blagojevićem. Zadatak je bio provjeriti kako funkcionira koordinacija između agencija koje su bile uključene u ovu organizaciju, a to su policijske strukture s državnog, entitetskog i kantonalnog nivoa. Štabu su prisustvovali i predstavnici Oružanih snaga BiH, OSA-e i EUFOR-a.

Direkcija za koordinaciju policijskih tijela BiH kao koordinator svih aktivnosti prikuplja od Ministarstva vanjskih poslova BiH i njihovog protokola sve informacije u vezi s ovom aktivnošću i prosljeđuje ih drugim agencijama koje su bile zadužene za pojedine segmente ove aktivnosti, te ih razrađuju u detalje. Bitno je naglasiti da Ministarstvo vanjskih poslova BiH nema svoj zaseban protokol nego je to protokol Vijeća ministara BiH koji koordinira aktivnosti svih ministarstava kada su u pitanju ovakvi i slični događaji.

Po završetku događaja, sačinit će izvještaj koji će biti dostavljen svim agencijama koje su učestvovala u ovoj aktivnosti, te će jedan primjerak biti dostavljen i članovima Nezavisnog odbora.

U razgovoru s članovima Nezavisnog odbora direktor Direkcije za koordinaciju policijskih tijela BiH istakao je da su slične planske aktivnosti dogovorene i pripremljene za predstojeće Opće izbore u BiH koji će biti održani 7. 10. 2018.

Također, rukovodstvo Direkcije za koordinaciju policijskih tijela BiH upoznalo je članove Nezavisnog odbora o aktivnostima i rezultatima koje su imali u proteklom kao i o planiranim aktivnostima koje će imati u narednom periodu. Razgovarano je i o međusobnoj saradnji i odnosima između direktora i zamjenika direktora Direkcije za koordinaciju policijskih tijela BiH koje je ocijenjeno kao vrlo korektno.

Na kraju su članovi Nezavisnog odbora naglasili da će Nezavisni odbor i dalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

Sastanak je završen u 15.30 sati.

**PRVI ZAMJENIK PREDsjedNICE
NEZAVISNOG ODBORA**

Enes Obralića